


Wegonen iwe Pap test?

Gidaa-gikendaan gegoo izhi-ayaayan gidikwewinaang. Wiiba dazhiikigaadeg gaawin maagizhaa gidaa-amogosii gidikwewinaang. Gaawin gidiba'igesii.



Wegonen iwe cervix?

Mii iwe anaaming abinoojii ebid gidikwewinaang. Mii imaa wenji-zaaga'amowaad oshkabinoojiyag.



Ninandawendaan ina bezhig ji-odaapinamaan?

Gakina ikwewag gaa-gii-bi-wiipengewaad (wiipemaawaad ininiwa' zhigwa zaazaabiniwewaad) ji-odaapinamowaapan pap test gaa-ijigaadeg.

Aaniin dasing minik ji-odaapinamaan pap test?

21 daso-bibooneyan gidaa-maajii-izhaa mashkikikiwinini ji-andone'ang aakoziwin gidikwewining, mii endaso-niswaaki giga-ayezhegiwe minik 69 ji-daso-bibooneyan.

Aaniin idash ji-onji-odaapinamaan?

Iwe HPV aakoziwin miinidiwag awiyag wiipendiwaad, mii ge-izhi-meshkwajisegiban ikwe odikwewin. Maagizhaa gaye daa-amogo awe ikwe giishpin owe izhiseg. Giishpin dash pap test odaapinaman, maagizhaa daa-nichigaade iwe jibwaa amogowin ozhisemagak.

Wegonen idash iwe HPV mashkiki?

Iwe mashkiki HPV vaccine gaa-izhinikaadeg daa-wiiji'iwemagad ji-amogosig ikwe odikwewining. Gaawin dash wiin wiiji'iwemagasinoon giishpin megwaa ayaayan iwe aakoziwin. Giishpin dash aazha odaapinaman iwe mashkiki, onjida igo ji-odaapinaman pap test.

Aandi ji-izhaayaan ji-odaapinamaan Pap test?

Gagwejim gimashkikiwininiim gemaa gimashkikiwikwem, giigidon aakoziwigamigong gemaa inaabin maagoniganing cancercare.mb.ca/screening.

Gaawin niibowa ikwewag daa-amogosiwag odikwewiniwaang giishpin odaapinamowaad iwe Pap test zhigwa dazhiikigaadenig giishpin ayaawaad.

Geyaabi gegoon noonde-gikendaman, ganoozh:

CervixCheck, CancerCare Manitoba

#5-25 Sherbrook Street

Winnipeg, Manitoba R3C 2B1

Giigidowin: 204-788-8626

Diba'igesiwan: 1-855-952-4325

CervixCheck@cancercare.mb.ca

cancercare.mb.ca/screening